

唯識二十論講義六(2014/12)

一、解頌文「如夢」〔二十論述記，經過整理〕

梵云：伊(上聲呼之)縛(平聲呼之；合名夢也)筏(此有二義：一是有義，二譬喻義)。今言「如夢」，顯是譬喻，故言：「意說如夢所見」，非謂「有夢」名伊縛筏。或復有釋；夢者能緣其村園等，夢之所見，夢心所有。今頌略言喻如夢者，顯夢所見為二定喻，非能緣夢心，為處時同法。恐以能緣為同喻故，今簡略也。

二、答第一難〔二十論述記，經過整理〕

猶如夢中，一種境雖無實；或於是處見有村等，餘處不見。故雖一切處皆唯有識而於是處見終南山，非於餘處。

應立量云：〔宗〕汝夢於是處見有村等，應非處定；〔因〕境無實故；〔喻〕如餘不見處。

然餘不見處，例於見處，亦有比量，略不繁述，下准可知。然此雖有世間相違，置「汝」言故，簡宗過也。彼此成已，返解他難；

量云：〔宗〕其非夢時，境雖無實，而處亦定；〔因〕許境無實故；〔喻〕如夢中所見。此因言「許」，無隨一失〔隨一不成過〕。

三、答第二難〔二十論述記，經過整理〕

夢境雖無實，即於此處，或於一時，見村園等，非一切時皆恒見有。故於覺位，雖無實境，有時見彼終南山等此識得生，非一切時定恒見有此識得生。

比量准前處中可解。

四、答第三難〔二十論述記，經過整理〕

如多餓鬼同為惡業同得惡果，多共一處聚集之時，同見膿河。相續不定；非於膿河，定唯一見，一不能見。如眩翳者見髮蠅等故，雖無實境，相續不定，其義亦成。外道、小乘經部師等，皆信餓鬼同見膿河，故以為喻。

量云：〔宗〕同於一時，同於此處，相續不定其理得成；〔因〕許無實境故；〔喻〕如餓鬼所見膿河。

五、答第四難〔唯識二十論述記，經過整理〕

如夢中言，如先已說。譬如夢中，夢兩交會，境雖無實，而男有損精，女有損血等用。「等」者：「等」取支分勞倦，出汗等用。夢得錢等，其用則無。

境雖無實，其眩翳者所見髮等，無髮等用；餘見髮等，有髮等用；其理亦成。

量云：〔宗〕眩翳、非眩翳等所見髮等有用、無用成；〔因〕許無實境故；〔喻〕如夢失精等。

七、解頌文「獄卒」〔唯識二十論述記，經過整理〕

然大乘中，其獄卒等，在地獄中作逼害者，非實有情，至下當悉。其擲罪人置地獄者，是實有情；與俱舍同。此對薩婆多及經部等，申其正理。不對大眾、正量部等，申其正理。

八、總答四難〔唯識二十論述記，經過整理〕

同處者：顯處定義，同此處見，餘處無故。同時者：顯時定義，同此時見，餘時無故。眾多相續等者：顯相續不定，皆共見故。來至其所為逼害事者：顯作用成。狗者：烏駁狗也〔有黑釐狗，搥擊脊膂而噉食之。〕。烏者：鐵騫俊，啄眼精等烏也〔爾時便有鐵齧大烏上彼頭上，或上其膊，探啄眼睛而噉食之。〕。鐵山者即眾合地獄等，作羊牛等形來逼罪人〔謂彼有情，或時展轉聚集和合，爾時便有彼攝獄卒驅逼令入兩鐵孺頭大山之間。彼既入已，兩山迫之；既被迫已，一切門中血便流注。〕。等物者：等取鋼鐵樹林刺等〔有鐵設拉末梨林，彼諸有情為求舍宅，便來趣之，遂登其上。當登之時，一切刺鋒悉迴向下，欲下之時，一切刺鋒復迴向上。由此因緣，貫刺其身，遍諸支節。〕。蠖狗吒虫等〔又尸糞泥內多有諸蟲，名蠖矩吒，穿皮入肉，斷筋破骨，取髓而食。〕。此中意者：謂地獄中，境雖無實，同處同時，多受罪者，同見獄卒等來為逼害事。四義既成，故於餘時境雖無實，其處定等，非皆不成。

量云：〔宗〕餘位處定等非不得成；〔因〕許無實境此識生故；〔喻〕如地獄人等此四事成。然外難中，皆有過失，思求可知，故不繁述。

九、總結四義得成〔唯識二十論述記，經過整理〕

若言異識實境依他色等，大乘亦許是實。離識之外實有色等，大乘不成。故言離識境無實等，而處定等四事皆成。